



TAJUK KHUTBAH JUMAAT

Siri: 08/2024

AMALAN BULAN SYAABAN

23 Februari 2024

Bersamaan

13 Syaaban 1445

DIKELUARKAN OLEH:

**JABATAN HAL EHWAL AGAMA
TERENGGANU**

PERINGATAN:

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

KHUTBAH PERTAMA

الْحَمْدُ لِلَّهِ الَّذِي فَضَّلَنَا بِسَيِّدِ الْأَوَّلِينَ وَالْآخِرِينَ،
وَخَصَّنَا عَلَى سَائِرِ الْأُمَمِ بِبِنَفَحَاتِ فِي وَقْتِ وَحِينِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ،
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ خَيْرِ خَلْقِكَ أَجْمَعِينَ،
وَعَلَى آلِهِ وَصَحْبِهِ وَاتَّبَاعِهِ إِلَى يَوْمِ الدِّينِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، وَسَارِعُوا إِلَى الْخَيْرَاتِ لَعَلَّكُمْ تُفْلِحُونَ.

Sidang Jumaat yang dimuliakan,

Marilah kita tingkatkan ketakwaan kepada Allah SWT dengan bertaubat dan berlumba-lumba mengerjakan amal kebaikan. Semoga kita tergolong dalam kalangan orang yang berjaya di dunia dan akhirat. Khutbah Jumaat pada hari yang mulia ini bertajuk:

AMALAN BULAN SYAABAN

Sidang muslimin yang dimuliakan Allah,

Pejam celik, pejam celik, kita berada dalam bulan Sya'ban dan sedang menanti-nanti kedatangan bulan Ramadan al-Mubarak. Dalam kesibukan sebahagian kita melaksanakan aktiviti dan perancangan sebelum kedatangan bulan puasa, tentunya bulan Sya'ban kurang dipandang penting. Hal ini dinyatakan sendiri oleh Rasulullah SAW dalam sabdanya:

ذَٰكَ شَهْرٌ يَغْفُلُ النَّاسُ عَنْهُ بَيْنَ رَجَبٍ وَرَمَضَانَ،

وَهُوَ شَهْرٌ تُرْفَعُ فِيهِ الْأَعْمَالُ إِلَىٰ رَبِّ الْعَالَمِينَ، وَأَحَبُّ أَنْ يُرْفَعَ عَمَلِي وَأَنَا صَائِمٌ

Maksudnya: Bulan Sya'ban itu ialah bulan yang ramai manusia lalai tentangnya antara bulan Rejab dan Ramadan. Pada bulan Sya'ban diangkat amalan kepada Allah dan aku ingin amalanku diangkat dalam keadaan aku berpuasa.

(Hadis Riwayat an-Nasaie dan Ahmad)

Maka kerana itulah diriwayatkan bahawa Rasulullah SAW banyak berpuasa pada bulan Sya'ban. Manakala malam Nisfu Sya'ban pula, terdapat beberapa hadis yang menyatakan kelebihanannya, antaranya ialah:

يَطَّلِعُ اللَّهُ إِلَىٰ خَلْقِهِ فِي لَيْلَةِ النِّصْفِ مِنْ شَعْبَانَ فَيَغْفِرُ لِكُلِّ خَلْقِهِ
إِلَّا لِمُشْرِكٍ أَوْ مُشَاحِنٍ

Maksudnya: Sesungguhnya Allah memerhatikan hambaNya yang beramal pada malam Nisfu Sya'ban, lalu Dia mengampunkan kepada mereka, kecuali orang yang melakukan syirik atau orang yang bermusuhan.

(Hadis Riwayat Ibnu Hibban)

Kaum muslimin sekalian,

Jumhur ulama daripada empat mazhab menyatakan sunat menghidupkan malam Nisfu Sya'ban secara umum dan siang harinya dengan berpuasa. Ia menjadi amalan para salafussoleh sejak berzaman lagi. Sewajarnya kita

mencari peluang melakukan amalan yang boleh mendekatkan diri kepada Allah SWT, dalam ruang lingkup yang dibenarkan syarak.

Firman Allah SWT dalam surah Ali Imran, ayat 133:

﴿ وَسَارِعُوا إِلَىٰ مَغْفِرَةٍ مِّن رَّبِّكُمْ وَجَنَّةٍ عَرْضُهَا السَّمَاوَاتُ

وَالْأَرْضُ أُعِدَّتْ لِلْمُتَّقِينَ ﴿١٣٣﴾

Maksudnya: Dan segeralah kamu kepada (mengerjakan amal-amal yang baik untuk mendapat) keampunan dari Tuhan kamu, dan (mendapat) Syurga yang bidangnya seluas segala langit dan bumi, yang disediakan bagi orang-orang yang bertaqwa;

Sidang Jumaat yang dimulihkan Allah,

Bulan Sya'ban yang berbaki ini adalah peluang terbaik untuk kita mempersiapkan diri dengan ilmu pengetahuan tentang ibadat harian, terutamanya berkaitan dengan ibadat puasa. Tanyalah diri masing-masing: Adakah kita telah mengetahui hukum hakam yang berkaitan puasa, serta perkara yang boleh membatalkan puasa atau mengurangkan pahalanya? Adakah kita telah bersedia dengan ilmu fardu ain untuk kita menunaikan solat secara sempurna termasuklah solat-solat sunat seperti tarawih dan witr? Bagaimanakah pula tanggungjawab zakat harta dan zakat fitrah? Adakah kita telah tunaikan dengan berdasarkan ilmu dan bukannya sekadar ikutan?

Justeru, mimbar Jumaat pada hari ini ingin menyentuh beberapa perkara sebagai peringatan untuk kita semua.

Pertama: Eratkan hubungan silaturrahim dan persahabatan dengan sesama ahli keluarga dan sahabat handai. Janganlah kita termasuk dalam kalangan orang yang terlepas daripada pandangan rahmat Allah dan keampunan daripada-Nya.

Kedua: Pastikan kita telah melangsaikan puasa qada yang ditinggalkan pada tahun lepas sebelum masuknya Ramadan tahun ini. Ini bagi mengelakkan kita dikenakan fidyah ta'khir iaitu denda kerana melewatkan qada puasa.

Ketiga: Bagi mereka yang ingin berpuasa sunat pada separuh kedua bulan Sya'ban, hendaklah menyambunginya dengan 15 Sya'ban atau melakukan puasa sunat secara beradat pada separuh pertama Sya'ban. Kecuali bagi orang yang berpuasa wajib seperti qada, nazar atau yang telah mempunyai adat berpuasa pada hari tertentu, maka tiada haram mereka berpuasa selepas 15 Sya'ban.

Keempat: Bersedia menghadapi bulan Ramadan dengan memperbaiki mutu bacaan al-Quran, serta menghadiri kelas bimbingan dan bertalaqqi dengan guru yang mahir. Ketahuilah bahawa bacaan al-Quran hendaklah diambil secara berguru dan bertalaqqi, bukan sekadar belajar sendiri tanpa berguru.

Kelima: Menghadiri kuliah atau pengajian fardu ain yang dianjurkan di masjid surau dan sebagainya, lebih-lebih lagi yang berkaitan dengan solat dan ibadat puasa. Ini bagi memastikan amalan yang dilakukan adalah sah dan diterima oleh Allah.

Keenam: Mengimarahkan malam nisfu Syaaban dengan memperbanyakkan amal ibadat seperti bacaan al-Quran, istighfar, berdoa, bersedekah dan lain-lain amalan soleh.

Muslimin yang dirahmati Allah sekalian,

Menutup khutbah pertama ini, saya menyeru kepada diri saya dan tuan-tuan sekalian agar tidak melepaskan peluang keemasan yang diberi Allah pada malam Nisfu Sya'ban dan baki-baki bulan ini. Semoga Allah SWT melanjutkan usia kita sehingga dipertemukan dengan bulan Ramadan dan dianugerahkan malam Lailatul Qadar nanti.

أَعُوذُ بِاللَّهِ مِنَ الشَّيْطَانِ الرَّجِيمِ

وَهُوَ الَّذِي يَقْبَلُ التَّوْبَةَ عَنْ عِبَادِهِ وَيَعْفُو عَنِ السَّيِّئَاتِ وَيَعْلَمُ مَا

فَعَلْتُمْ ﴿٢٥﴾ وَيَسْتَجِيبُ الَّذِينَ ءَامَنُوا وَعَمِلُوا الصَّالِحَاتِ وَيَزِيدُهُمْ مِّنْ

فَضْلِهِ ؕ وَالْكَافِرُونَ لَهُمْ عَذَابٌ شَدِيدٌ ﴿٢٦﴾

Maksudnya: Dan Dia lah Tuhan yang menerima taubat dari hamba-hambaNya (yang bertaubat) serta memaafkan kejahatan-kejahatan (yang mereka lakukan) dan Ia mengetahui akan apa yang kamu semua kerjakan. Dan Ia memperkenankan doa permohonan orang-orang yang beriman serta beramal soleh, dan Ia menambahi mereka dari limpah kurniaNya (selain dari yang mereka pohonkan). Dan (sebaliknya) orang-orang yang kafir, disediakan bagi mereka azab seksa yang seberat-beratnya.

(Asy-Syuura, ayat 25-26)

بَارِكَ اللهُ لِي وَلَكُمْ بِالْقُرْآنِ الْعَظِيمِ.
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ.
وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُ اللهَ الْعَظِيمَ لِي وَلَكُمْ وَلِسَائِرِ الْمُسْلِمِينَ
وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.

KHUTBAH KEDUA

الْحَمْدُ لِلَّهِ رَبِّ الْعَالَمِينَ.

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،

وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ، وَعَلَى آلِهِ وَأَصْحَابِهِ أَجْمَعِينَ.

أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

Muslimin yang dirahmati Allah,

Berbaktilah kepada Allah SWT dengan sepenuh hati. Manfaatkanlah peluang kehidupan ini dengan melakukan ketaatan untuk mendapat keredaan-Nya. Ketahuilah bahawa Allah telah menjadikan hari Jumaat sebagai penghulu segala hari yang dipenuhi dengan pelbagai kelebihan sepertimana sabda Rasulullah SAW yang bermaksud:

”Sebaik-baik hari ialah hari Jumaat. Padanya dijadikan Nabi Adam.

Padanya dimasukkan baginda ke syurga dan padanya juga dikeluarkan daripada syurga, dan tidak berlaku Kiamat melainkan pada hari Jumaat.”

(Hadis riwayat Muslim)

Maka bersempena dengan hari yang mulia ini, sayugialah kita umat Islam mengambil peluang melakukan amal kebaikan seperti berniat iktikaf ketika berada dalam masjid, mengambil pengajaran daripada kandungan khutbah Jumaat, berzikir serta menunaikan solat Jumaat dengan tertib dan khusyuk. Janganlah melakukan perkara yang boleh mengganggu jemaah lain sepanjang berada di masjid, kerana perbuatan tersebut dilarang dalam Islam.

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا
مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،
إِنَّكَ حَمِيدٌ مَجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ اذْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ. اللَّهُمَّ
اشْفِ مَرَضَانَا وَارْحَمْ مَوْتَانَا، وَالطُّفْ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ الْمَرْحُومِ
السُّلْطَانِ مُحَمَّدِ الْمُكْتَفِيِّ بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ
زَاهِرَةِ، سُلْطَانَةِ تَرَغْكَانُو.

وَاحْفَظْ أَوْلَادَهُ وَأَهْلَهُ وَرَعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ،
بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وِلْيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ
زَيْنِ الْعَابِدِينَ.

اللَّهُمَّ أَعِزِّ الْإِسْلَامَ وَالْمُسْلِمِينَ، وَأَذِلِّ الْمُعْتَدِينَ الظَّالِمِينَ، وَدَمِّرْ أَعْدَائِكَ
أَعْدَاءَ الدِّينِ، وَانصُرْنَا عَلَيْهِمْ يَا رَبَّ الْعَالَمِينَ. اللَّهُمَّ انصُرْ إِخْوَانَنَا الْمُسْلِمِينَ
وَالْمُجَاهِدِينَ فِي فَلَسْطِينَ وَفِي كُلِّ مَكَانٍ.

Ya Allah,

Kami memohon hidayah dan petunjuk ke jalan kebenaran. Tetapkanlah iman kami di dalam agama-Mu. Basahilah lidah kami dengan bacaan al-Quran dan zikir kepada-Mu. Jadikanlah akhlak junjungan besar Nabi Muhammad SAW sebagai ikutan kami. Pereratkanlah hubungan sesama kami, saling bekerjasama dan bantu membantu dalam kebajikan dan taqwa.

Ya Allah

Jadikanlah negeri ini negeri yang aman, maju lagi diberkati. Bukakanlah pintu-pintu rezeki dari segala penjuru. Kurniakanlah kepada kami nikmat kesejahteraan yang berterusan. Jauhkanlah negeri kami ini daripada segala malapetaka, musibah dan apa jua kemurkaan-Mu.

Ya Allah,

Anugerahkan pertolongan dan bantuanMu untuk saudara kami di Palestin. Berikanlah ketabahan dan kekuatan kepada mereka dalam menghadapi kekejaman rejim zionis. Peliharakanlah bumi Baitul Maqdis dan seluruh saudara kami di sana.

آمين يا الله، يا رب العالمين

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.

وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ

وَالْمُنْكَرِ وَابْتِغَىٰ لَكُمْ لِعِظْمِكُمْ لَعَلَّكُمْ تَذَكَّرُونَ

فَاذْكُرُوا اللَّهَ الْعَظِيمَ يَذْكُرْكُمْ، وَاشْكُرُواهُ عَلَىٰ نِعْمِهِ يَزِدْكُمْ،

وَلَذِكُرِ اللَّهُ أَكْبَرُ، وَاللَّهُ يَعْلَمُ مَا تَصْنَعُونَ.

قُومُوا إِلَىٰ صَلَاتِكُمْ، يَرْحَمْكُمْ اللَّهُ.